

## Kipimo cha Tabia Katika Hukumu

*Na wote waliokosa, wenye sheria, watabukumiwa kwa sheria. Kwa sababu sio wale waisikiao sheria walio wenye haki mbele za Mungu, bali ni wale waitendao sheria ndio watabesabiwa haki. Warumi 2:12, 13.*

**W**ale waliokuwa wameipokea nuru kuhusu upatanisho wa Kristo na uendeleu wa kudumu wa sheria ya Mungu waligundua kuwa haya mambo yalikuwa ukweli uliowasilishwa katika Ufunuo 14. Vipengele mbalimbali vya ujumbe wa sura hii huunda onyo lenye sehemu tatu linaloandaa wakazi wa dunia kwa ajili ya ujio wa pili wa Bwana. Tangazo, "Saa ya hukumu Yake imekuja," huelekeza macho kwa kazi ya kufunga huduma ya Kristo kwa ajili ya wokovu wa wanadamu. Linatoa habari njema za ukweli ambao inapasa uhubiriwe mpaka maombezi ya Mwokozi yatakapokoma na Yeye kurudi duniani kuwachukua watu Wake na kuwapeleka Kwake Mwenyewe. Kazi ya hukumu iliyoanza mwaka 1844 inapasa iendelee hadi kesi za watu wote ziamriwe, za makundi yote mawili ya walio hai na ya waliokufa; kwa maana hukumu hiyo itaendelea mpaka kufungwa kwa rehema kwa wanadamu. Ili watu waweze kujiandaa kusimama katika hukumu, ujumbe unawaamrisha "mcheni Mungu, na kumtukuza," "na msujudieni Yeye aliyeziumba mbingu, na nchi, na bahari, na chemchemi za maji."

Matokeo ya kuukubali ujumbe huu yametajwa katika neno: "Hapa ndipo penye subira ya watakatifu, hao wazishikao amri za Mungu, na imani ya Yesu." Ili kujiandaa kwa ajili ya hukumu, ni lazima watu waishike sheria ya Mungu. Sheria ile ndiyo itakuwa kipimo cha tabia katika hukumu. Mtume Paulo anasema: "Na wote waliokosa, wenye sheria, watabukumiwa kwa sheria... katika siku ile Mungu atakapozihukumu siri za wanadamu, sawasawa na injili yangu, kwa Kristo Yesu." Na anasema kuwa "waitendao sheria watakaohesabiwa haki" (Warumi 2:12-16). Imani ni ya lazima ili kuitii sheria ya Mungu; kwa kuwa "pasipo imani haiwezekani kumpendeza." Na "kila tendo lisilotoka katika imani ni dhambi" (Waebrania 11:6; Warumi 14:23).

Kwa njia ya malaika wa kwanza, watu wanaalikwa "kumcha Mungu na kumtukuza" na kumsujudia Yeye Aliye Muumbaji wa mbingu na nchi. Ili kufanya jambo hili, inawalazimu kuitii sheria Yake. Alisema mwenye hekima: "Mche Mungu, nawe uzishike amri zake, Maana kwa jumla ndiyo impasayo mtu" (Mhubiri 12:13). Bila utii kwa amri Zake hakuna ibada inayoweza kumpendeza Mungu. "Kwa maana huku ndiko kumpenda Mungu, kwamba tuzishike amri zake." "Yeye aligeuzaye sikio lake aiisikie sheria, Hata sala yake ni chukizo" (1 Yohana 5:3; Mithali 28:9).

Swali lenye mvuto kwa kila mmoja wetu linatakiwa kuwa, je mimi ninatimiza matakwa ya sheria ya Mungu? ... Ni kwa kujichunguza kwa kina katika mwangaza wa Neno la Mungu tu ndipo tunaweza kugundua namna tulivyopotea kwenye sheria Yake takatifu ya haki... Ndani ya Kristo tunaweza kusamehewa uovu wetu wa kale na katika uimara Wake tunakuzwa na kuwa wanamume na wanawake wakamilifu katika Kristo Yesu (Youth's Instructor, Juni 10, 1897).